

Visoki predstavnik Schmidt odao počast Olgi Sučić i Suadi Dilberović



Visoki predstavnik Christian Schmidt, zajedno sa Norom Trifković, kćerkom Olge Sučić, danas je položio cvijeće na spomen-ploču posvećenu prvim žrtvama rata u Sarajevu, Olgi Sučić i Suadi Dilberović, dvjema mladim ženama koje su ubijene 5. aprila 1992., dok su učestvovali u mirnim demonstracijama.

“Na ovom mjestu, dok se sjećamo smrti dvije mlade žene, nakon čega su uslijedile tri godine stradanja, moramo se podsjetiti kolika je vrijednost mira i koliko ga je važno njegovati.

Olga i Suada su bile svjesne toga i, zajedno sa mnogim drugima, ustale su protiv destrukcije i nasilja. Ono što im se dogodilo trebalo bi biti podsjetnik na sve strahote sukoba i rata, kao i podsjetnik da se bolja budućnost može graditi samo dijalogom, međusobnim poštovanjem i pomirenjem. To je put do sigurne i prosperitetne budućnosti za građane ove zemlje. To je ono što dugujemo svima koji su izgubili živote boreći se za mir”, rekao je visoki predstavnik.